



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R.P. Francisci Arias, Societatis Iesv Theologi, De Oratione  
Mentali Et Mysteriorvm Vitae D.N. Iesv Christi &  
benedictae Matris eius meditatione**

**Arias, Francisco**

**Coloniae Agrippinae, 1616**

XV. Quomodo ad multos fructus ex S. Communionem percipiendos,  
recollectione & matura deliberatione praeparatio facienda, & qua  
meditatione ad hoc vtendum sit.

[urn:nbn:de:hbz:466:1-48934](https://nbn-resolving.org/urn:nbn:de:hbz:466:1-48934)

*Quomodo ad multos fructus ex S. Commu-  
nitione percipiendos, recollectione & maiore  
deliberatione preparatio faciendā, &  
qua meditatione ad hoc ven-  
tendum sit.*

**S**ecunda ratio, quam Serui Dei te-  
nere debent, eiusmodi est, vt ante  
sanctissimi Sacramenti sumptio-  
nem se recolligant, quò decenter ora-  
tiones suas fundere, cœlestiaque me-  
ditari possint. Licet autem queuis ma-  
teria ad eam deuotionem prouocan-  
dam, quæ ad communicandum requi-  
ritur, assumi queat; nihilominus ta-  
men sequentes meditationes ad hoc  
sunt aptiores.

*Bonau. in  
sei. 6.7.*

Consideret huius institutionem in  
ultima cœna factam, quo pacto Deus  
à cœna surrexerit, vestem exuerit, lin-  
teo se præcinxerit, flexisque genibus  
discipulorum pedes lauerit. Deinde  
postquam ad sedem suam rediisset, pa-  
nem & vinum acceperit, benedixit,  
& infinita sua potentia in pretiosum  
corpus & sanguinem suum commu-  
târit, quæ cum anima & diuina sua  
persona vnita erant: & post sumptio-  
nem,

nem, vt multi ex Sanctis attestantur, statim proprijs suis manibus, omnibus Apostolis id ipsum amoris pignus distribuit, & similiter faciendi, id est, consecrandi corpus, & fidelibus diuidenti potestatem contulit. Hic immensa filij Dei beneficentia, & superabundans liberalitas attentè Christiano consideranda est, quòd se modo tam admirabili in cibum dare voluerit, vt nos sibi arcto charitatis vinculo coniungeret, hac ratione infirmitates nostras sanaret, & ad sui similitudinem sanctos, puros, diuinos & spirituales efficeret.

Hac consideratione magna fames, viuumque huius viuifici panis desiderium excitandum est, cum firma voluntate vitæ datori in omnibus obediendi, qui illum cum tanta caritate sumendum exhibet. Expendat etiam attentè, & maximam illam puritatem ad hunc coelestem cibum degustandum necessariam ruminet; siquidem Dominus suorum Apostolorum pedes, iam tum in gratia Dei, & à lethali peccato immunes existentium lauare voluit, quò puriores effecti sacram Synaxin perciperent, & occultè ( vt S. Bernardus ait ) insinuaret, se nimirum illos à  
*Serm de e*  
*na Dqm.*  
 pecca-

peccatis venialibus purificare: Nam concupiscentiæ animi, quæ rebus terrenis facile adhærent, sunt illius pedes, quos purgare oportet, vt cœlum ingrediamur. Hinc cuilibet laborandum, vt de omnibus peccatis mortiferis, & venialibus, contritionem cum emendandæ vitæ proposito acquirat, & considerandum, quam turpem & detestabilem istis sordibus reddat. Deinde quanta integritas necessaria sit ad tantam maiestatem suscipiendam: nam etiamsi mille annis deuotis orationibus, sanctis operibus, & omnium Sanctorum meritis ad eam se præparasset, parum tamen esset, imò nihil ad recipiendam, vti conuenit, vnde timor & reuerentia concipienda est. Sicut enim ab amore desiderium, & prompta voluntas descendit, ita ex sancto timore reuerentia procedit, cum qua communicandum est.

*Amb. de* Secunda consideratio, qua Seruus  
*gra. lib. 6.* Dei se ad sanctam Communionem cū  
*p. 1.* deuotionis affectu disponere potest,  
*mc. Trid.* est eiusmodi: vt dignitatem, & celsitudinem Domini, quem suscipere intendit, studiosè in memoriam reuocet: quia vt primùm verba consecrationis prolata sunt, panis sub speciebus  
*s. 13. c. 8.* hostiæ

hostiæ consecratæ antea existens, virtute confessionis, vel transsubstantiationis in corpus Iesu Christi transit, & panis esse desinit, ita vt creatura, locum creatori cedat: & vbi panis erat, illic corpus Iesu Christi succedit, qui in purissimæ Virginis Mariæ utero ex Spiritu Sancto conceptus est. Quia autem caro Christi sine sanguine viuere nequit; sanguis similitet in precioso ipsius corporis venis est. Et sicut corpus sine anima non viuit, gloriosa anima adest, in qua sapientiæ, potentiæ, & gloriæ Dei ineffabiles thesauri recõditi sunt. Adhæc quia corpus & anima Iesu Christi Deus & homo est: & ita qui sub speciebus panis & vini continetur, idem infinitæ maiestatis & magnitudinis Deus est.

Vtile etiam esset hoc verbum ( Deum suscipiam ) diligenter perpendere: sed vt melius intelligatur, quis sit Dominus, quem recipiet, ante portas cœli cogitatione consistat, præsentem illum consideret, & gloriam, ac pulchritudinem summæ istius maiestatis contempletur, quomodo infinita sua bonitate omnes cœli ciues immensa charitate inflam-

inflammet, perpetuæ suæ pulchritudinis intuitu exhilaret, & beatificet. Aspiciat etiam, qua reuerentia Angeli, & Beati omnes vsque ad summos Seraphinos coram ipso vrantur, quo pacto illum adorent, laudent, magnificent & diligant. Et postquam aliquāto tempore in admiratione tantæ amplitudinis, gloriæq; hæserit, ad seipsum oculos mētis reflectat, & cogitet; quòd lingua sua, & corpore eundem hunc Deum, ad cuius maiestatem attonitus stabat, suscepturus sit; animo suo infinitum hoc bonum, ciuitatem Dei lætificans, comprehensurus; supremum omnium rerum Creatorem, ad cuius maiestatem Seraphini, omnesq; cœli incolæ, magna cum reuerentia in terram se abijciunt, conspecturus, & subspecies atque accidentibus istis tacturus, velutque cibum visceribus suis excepturus sit: quòd Dominus hic, amore victus & pellectus, nunc ad ipsum veniat, vt in sui amorem rapiat, & ad se conuertat; de thesauris gratiæ & gloriæ suæ participem faciat, & de terra in cœlum assumat. Ex hac meditatione, magnus erga S. Communionem amor & reuerentia interius exurgat: Quis enim tantam bonitatem amore

COMMUNIONE. 165

non complecteretur, quæ tam multa propter hominem fecit, & tali ratione amari expetit? Cum ipse peccator sit, nonne infinitæ maiestati omnem honorem cum sancto timore exhibebit, ante quam (sicuti cogitatione perspexit) Principes cœli ob reuerentiam tremunt?

Inter conuenientiores, & magis cōmunes præparaciones, quibus anima ad hoc sanctissimum Sacramentum suscipiendum disponetur, erit Dominicæ passionis meditatio: quia vna ex præcipuis causis est, cur venerabile hoc Sacramentum institutum fuit, vt nimirum Redemptoris nostri passionē, & quicquid pro nobis passus est, & fecit, tanquam viuum & præsens in memoria & affectu nostro seruaemus: quod in sanctissimæ Missæ sacrificio & communionem proponitur. Quamobrem conueniens, & propria ad S. Communionem dispositio est, vnum ex præcipuis passionis Dominicæ mysterijs attentè considerare, & aliquid temporis in eo sincerè meditando impendere.

Hinc sanctum, vti suprâ diximus, contritionis, timoris, gratitudinis, amoris affectum, & nostri ipsius abnegatio-

*D. Bonau. d  
preparat. a  
Miss. c. 6. c  
in fasci. 6. 7*

gationem impetrabimus, in qua præparatio ad Communionem necessaria prorsus cōsistit. Merito igitur aliquotulum laborare debemus, ut quod Dominus Iesus pro nobis passus est, diligenter meditemur: siquidem tam promptè hoc præstitit. Eiusmodi meditatio tam potens est, & utilis, ut per eam nos aptos reddamus, ad sanctissimi Sacramenti operationes admirabiles consequendas: ad quam nos subtiliter S. Cyrillus his verbis cohortatur:

*In Iohannem  
l. 4. c. 17.*

*Quare pias queso cogitationes suscipias, studiosè sanctèque vivas, & benedictione participantis, quæ mihi (crede) non mortem solum, verùm etiam morbos omnes depellit. Sedat enim, quum in nobis maneat Christus, sententiam morborum nostrorum legem, pietatem corroborat, perturbationes animi extinguit, nec in quibus sumus peccatis considerat: sed ægrotos curat, collisos redintegrat: & sicut pastor bonus, qui animam suam pro ovibus posuit, ab omni nos erigit casu. Hæc Cyrillus.*

Igitur Servus Dei ad S. Communionem cum pura intentione, & sanctis cogitationibus accedat, ut nimirum Iesu Christo, per amorem perfectum, tãquam cum animæ suæ sponso uniat, voluntatis suæ motus sanentur,  
*vicia*



vitia perfectius expurgentur, poenae quas incurerat, remittantur, accepta beneficia recognoscat, in tribulatione solatium, & resocillationem inueniat, tentatio vincatur, & singulare aliquod gratiae donum acquiratur. Deinde cum attentione, reuerentia, fame, & desiderio ab amore proueniente, illuc se conferat, & quicquid cupit, obtinebit: quia hic est bonus ille Pastor, qui promittit, & dicit: *Venite ad me omnes, qui laboratis, & onerati estis, & ego reficiam vos.*

CAPVT XVI.

*De exteriori reuerentia, humilitate & modestia, qua S. Communio sumenda est.*

**E**T si interior animi deuotio, quae ad S. Communione[m] requiritur, praecipua sit, & ta[n]to magis, quod illius exercitium ab interiori proficiatur; nihilominus tamen Deus etia[m] exteriorem postulat. Quapropter omnes illos defectus, qui committi solent, hic declarabimus, & oportuna remedia indicabimus.

*Quidam Deo seruire, & frequentes com-*